



佛說普門品經

西晉月氏國三藏坐法護譯

乃

聞如是一時佛遊王舍城靈鷲山中與大比丘眾俱比丘八百菩薩四萬二千得諸持神通已達聖智弘暢辯才無導三昧已定无所不博時有菩薩名離垢蔽與九萬二千菩薩從普華如來國來其世界名曰淨行今遊在此欲詣忍界靈鷲山有所諮受時佛這見即笑口中光焰乃有殊特異色光明普照十方內外明徹无不通達尔時大士溥首僮真菩薩即於大眾會中起整衣服偏袒右肩長跪叉手白佛言世尊何笑耶笑乃有咨澤非世所明非菩薩大士之所能堪憐憐乃如此唯所尊笑當有意願示不及咸亦樂聞於是世尊告溥首菩薩乃東方去此無量无数不可計會阿僧祇百千劫數有世界名淨行其佛号普華如來常與无数億億百千菩薩摩訶薩圍遶共講不退轉不思議之法有尊菩薩名離垢蔽與無數

普門品經 第二張 乃字号

千諸菩薩大士眷屬圍遶幡飛遊出虛空佛心念斯離垢蔽簡别由路遠出諸國宣普華如來至真等正覺命采受普門品今尋當還會詣菩薩眾于時大聖即如其像顯揚其教示現感應令无数無限世界諸菩薩眾尋時志來至斯忍土往於大梵天是故我笑耳言這竟彼離垢蔽菩薩與諸大眾忽然以别到此靈鷲山眷屬圍遶行到佛所稽首足下却住一面此靈鷲山中諸菩薩眾閑居燕者志來集會禮畢竟却就坐時離垢蔽菩薩應時化作七寶蓮花其葉有千持詣能仁如來至真等正覺稽首奉上白曰普華如來至真等正覺淨行世界聖尊敬問无量遊步康彊勢力輕利起居安隱多所救濟今見遣來宣教誨垢受普門品等不可思議清淨之品為開士說時離垢蔽菩薩大士問訊周畢退在虛空結加趺坐與諸開士坐寶蓮花上尔時溥首僮真便於大眾會中起更整衣服偏袒右肩前長跪叉手而白佛言善哉世尊願說

普門品不可思議道品法原為菩薩
分別演之憶念往古過久遠世時從
普證明如來至真等正覺聞斯經典
興立八十四万百千億姪三昧文逮
七十七億百千諸姪持門行唯願
世尊愍諸菩薩重宣揚之佛告溥首
僮真諦聽善思念之吾當為汝具說
普門內藏不可思議秘寶中心之事
於是溥首菩薩并其大衆咸共答曰
唯世尊願樂欲聞介時溥首僮真與
諸菩薩一心受教而聽佛告溥首若
有菩薩摩訶薩欲學普門品所入之
法等遊於色等遊音聲等遊臭香等
遊衆味等遊細滑等遊心界等遊女
人等遊男子等遊僮女等遊童子等
遊諸天等遊諸龍等遊諸鬼神等遊
捷沓和等遊阿須倫等遊迦樓羅等
遊真陀羅等遊摩睺勒等遊地獄等
遊餓鬼等遊畜生等遊貪婬等遊瞋
恚等遊愚癡等遊諸善等遊衆德本
等遊諸有為等遊諸無為如是溥首
諸闍士所可周旋為若此一切恚等
以居平等具足至道不轉普入法要

深微一密空無寂靜是為學入普門
定門之法

佛告溥首僮真所謂菩薩等遊入於色
者曉了解色如水之沫而不可得不
可護持无有堅固則為等意觀无有
色是謂菩薩等遊於色又告溥首何
謂菩薩等遊音聲如人呼聲而有響
應尋即消滅則无形像不知所至一
切無有若干之事而无差特亦無有
相已了无相人所言者虚無无實已
曉諸音深山嚮報則能等觀是為菩
薩等遊音聲也又告溥首何謂菩薩
等遊臭香周旋往返百億劫數鼻之
所嗅而无有馱衆香來趣劇於風雨
皆集歸身如大海洲無有充滿其香
之像无常百變變化如幻無有根原
或亂道德而不可擁如此則為虚偽
法也無有真諦設求審誠亦无合會
處由是倫之斯無所有而不可持虚
無无實恍惚若空如幻如化亦無本
形影想識著緣起成形若能分別虚
无無實是為菩薩等觀則遊於臭香
又告溥首何謂等遊衆味至於喉咽

不知鹹味亦无不味從因緣分別但
舌之所甘耳由緣合會百千種味斯
為幻化地之所生滋同一味無若干
也曉了覺知无想不念一切同甘是
為菩薩等觀遊於衆味

又告溥首何謂菩薩等遊細滑者志
有所存緣起求之身服華蕞加榮好
色珍寶異奇其柔軟者而不可得已
都斯緣細滑鞞鞞无所適住亦無所
著計于細滑無益已世之慾愚惡所
貪立生死本皆由斯起明智大士則
知其量不與從事永世無患一切所
有地之所載有形之屬一等无二也
但聞色所造橫作人民使作種種異
色已被服之迷亂道德不親賢衆達
者覺知不與從事也隱居被褐懷智
作愚外若夷人內懷明珠千億万劫
與道同軀遠離吾我亦无我想細滑
與我二者同无虚無實如幻如化亦
無所依亦無住處因著被服乃有所
倚達士觀之覺无所有是為菩薩等
觀遊於細滑又告溥首何謂菩薩等
遊心法心法者三界人之護也安慰

普門品經 第六張 乃字号

勸樂志令集會安之以德勸之以權授之以慧普修梵行於三界澹然立在一處亦無合離使永執心莫知所存不見形像音聲往來亦无猶豫所應如心衆无合散不知住處亦無所適若現若干種色色色各異於內亦無處處亦无有住如幻如化虛無處无處無所處達士觀之了无所有便自執心无念無求見若不見聞若不聞澹然自守是為菩薩等觀遊於心法又告溥首何謂菩薩等遊於意意遊女人察于四大則无女人志癡惑者志於愛欲荒于虛無其體一等无可毀者計有女者猶如幻士化作人像任昂鞞曲隨人意起因彼所行從其所樂女人如幻起色欲意彼无有女也人同一等癡者所惑意者從欲欲便致愛愛致樂此不可猶放急且調之鞞鞞明者達之分別如空空无寂靜而無有形緣起因對无對無起也若能分別如斯者是為菩薩等觀遊於女人意法又告溥首何謂菩薩等遊淨法也淨為如男子如令男子

普門品經 第七張 乃字号

等自發意其心如金剛專意獨雄猛與念斯女人欲心為無色其實不可獲亦不現女像等惟諸色欲發起女人想設欲所思想斯男斯女人等如野馬水中月如是觀者则无男女了無男形女人俱然虛偽而立如無久存但化幻示現現便滅以能分別覺知男意女意此兩者空无所有也已能平等則能現女復化成男是為菩薩等觀遊於男子淨法又告溥首何謂菩薩等遊僮女也如拔樹根萌終不復生心不復起從是則止其明智者不於求果果亦不可得若有種姓之家諷諷之子聰達別議曉發一切勇猛想无念如枯樹不生花實如枯竭江河水不流斯等於僮女女子如此所現平等如空无無實觀彼女人本亦清淨觀彼男子本亦清淨觀彼泥洹本亦清淨如是等者則為等觀遊於僮女又告溥首何謂菩薩等遊僮男若如樹木設无有萌芽則無根莖設无有根莖則無華實設无華實則无果名

普門品經 第八張 乃字号

字也女人如是設無女人則無男子等於男女則无吾我緣号立字想於無知覺女无生不有子性解一切人无無則為等則平等是為等觀菩薩如是遊於僮男又告溥首何謂菩薩遊於諸天諸天嚴淨功德自然其意鮮潔心淨口淨无有瑕穢宮殿綺飾無造立者心樹妙華亦無種者福德自然若如幻化生无思議淨光琉璃械度淨了亦無尸爽虛無成立天為偽體自然生形恍惚而現勝說平等現諸天像是為虛无無借外之喻案內觀歷三十二天宮殿樓閣自然之數无有見者唯得道人乃知之耳是以菩薩深觀內外平等无異是為菩薩等遊諸天又告溥首何謂菩薩等遊諸龍也見無水與雲七日雨所露潤无不澹浴不在外內遍閻浮利漸歸大海所滿水所由来衆生如是學若干緣緣此多求起滅致憂現无数罪種種不同案內觀歷瞋怒何從龍反鮫驚人人皆然崩天破地皆從龍興內龍不反外

龍不從福无自然衆生無有愚冥之
予以虛為實菩薩大士觀龍平等內
外相應慈同一等是為菩薩等遊於龍
又告溥首何謂菩薩等遊鬼神心如
門開與色有像其身高大為不可及
諸念一會百千之衆亦无形像音響
為應辟如飲毒自害其已其心一類
无可畏者皆由放恣遊盜自縱因難
所禁會有恐懼此法无有實也衆想
並未歸其想不可議無實為空說案
內觀歷鬼神從何興也其內鬼神若
千百千之衆其外亦然內不發恐懼
外則无畏其內不悲哀外則不淚出
內發鬼神之想外有若干百千鬼神
之衆皆來歸之緣此致病或至死亡
受無數皆由邪心不正故也菩薩大
士覺知虛无無鬼神一切從心意起
則能平等心淨意寂平等不邪是以
無有燒害菩薩者若現鬼像種種變
化內自觀察了無鬼神外者尋滅此
之謂也是為菩薩等遊鬼神
又告溥首何謂菩薩等遊捷沓和其
法无性而音說往曉无往來亦無還

返如空無形隨聲如立若有菩薩大
士內觀察之若无想識則無捷沓和
捷沓和者鬼神之導首也內不起想
外無邪念何緣致此衆病要集捷沓
和者有名无形音響往返無有見者
等說之要了無所有捷沓和者虚无
無實菩薩等觀斯由幻化是為菩薩
等遊捷沓和
又告溥首何謂菩薩等遊阿須倫以
事有證因阿須倫心等無起无滅無
生无盡而現平等一切瞋怒毒意皆
由阿倫阿倫者龍神也多嫉妬心而
現平等是為菩薩等觀遊於阿須倫
為意法
又告溥首何謂菩薩等遊迦樓羅告
受立辭名号設无名色名色由舌從
舌致禍五罪根本菩薩大士學深智
遠覺之為空無如斯幻化從意生形
无有見者音聲往返因羸弱耶心不
政者如是變化億百千衆案內觀歷
二者俱空無所有也菩薩等觀无迦
樓羅是為菩薩等觀遊於迦樓羅
又告溥首何謂菩薩等遊真陀羅也

法无作而作無作不作亦能有所立
復能有壞飛行於虚空无有及者立
号真陀羅一切皆由手手執諸作事
意生手則動動則犯大乘是使有獄
苦皆由真陀羅若菩薩分別无所生
衆離於作事手自不動揺何因有真
陀羅也案內觀歷不動則不揺不起
則不滅不生則不死內動則外發意
走手則作事事便墮苦墮苦則有病
病者皆有鬼神鬼神者則真陀羅也
菩薩大士曉了於空空而復空無空
无實等觀真陀羅一切皆由化无有
正法形平等諸作事則無真陀羅是
為菩薩等觀遊於真陀羅
又告溥首何謂菩薩等遊摩睺勒其
法所名立若干人種種受形莫不由之
人之本類隨其種數現若干法一切
立形其名故法无所有職号如是在
形為骨臆離形為摩睺勒所想為虛
无道成於骨臆骨臆執大祿心正得
成道分別諸想識諸念亦俱止無想
致自然但說平等音一切為斷次疑
故現摩睺勒是為菩薩深入等觀案

普門品經 第五張 乃字等

內觀歷內無所起外无所造是則無
摩睺勒之名字也是為菩薩等觀遊
於摩睺勒

又告溥首何謂菩薩等遊地獄也法
無无地獄想識成形地獄无主求者
自然如呼聲響應蠅投燈火自然之
數無可救者所以者何身口招之自
然對至空无造者從已想與想无所
有空返往空返厄難之緣自從已起
已自賢勅病無從入身口无犯亦無
死者地獄清淨鮮潔无垢菩薩大士
所以不畏生死者無地獄之緣所以
者何不犯禁故知覺如幻亦无所
雖立諸相相无不著相亦無不相相
無所有幻化成象其見相者无不喜
悅喜悅至慈因登大願別如虚空平
等寂然而現地獄諸苦惱患案內觀
歷口致身怨口為獄戶但入不出入
便消盡出為泥土如是懃苦當更懃
數是以菩薩開口不語不以咨口有
所食噉亦无言說澹而自守不入眾
會不稱為已口無二言忍諸所作菩
薩如是則无地獄地獄之緣但由口

普門品經 第五張 乃字等

言出罪入無離此患菩薩守口不擇
其味慈同一等无有細軟食噉充軀
支形而已是為菩薩等觀遊於地獄
又告溥首何謂菩薩等遊餓鬼也餓
鬼无形亦無有名本无處所亦无所
正因慳而立貪欲致之慳亦无所住
不解所有不知大法計有吾我不觀
無常香聞億万老之甫甚從慳致貪
從貪致欲從欲致愛從愛致樂從樂
致憂從憂致苦從苦致痛從痛致結
從結致病病致死處在三難之中不
得衣食身裸飢乏不得水漿立号為
字名曰餓鬼菩薩大士知志本无了
無餓鬼寂靜如空所以者何菩薩常
行平等損鼻不艱眾香一無所慕
樂慳從鼻入致斯大殃鼻為心壹混
淪之精亦無所入亦无所出不受香
色則无所貪設無所貪則无慳惜是
為菩薩等觀餓鬼

又告溥首何謂菩薩等遊畜生法无
畜生從因緣起如雲霧像現若干色
色各不同見之悅喜便致想生死起
滅恚從中起起想念識十二連著閉

普門品經 第五張 乃字等

結不解招致畜生彼则无根恚無所
有心思虚无皆由諸色色則德根馳
走五道宛轉生死受形無數或為飛
鳥或為走獸空无常名因形立字等
如陰霧種種色像畜生志性罪福如
幻迷惑虚妄而說畜形菩薩大士計
无吾我了無名字目初視色意不貪
色心不念色身不利色菩薩以是四
等心亦觀内色外色飛行十方窈冥
之處无不通達皆從眼出入眼者日
月之精有二人入色為金翅鳥出色
為文殊師利案內觀歷一切諸名皆
從眼入動生死根本橫有所造皆由
金翅鳥故号畜生畜生群萌之類軟
動喘息崎行之属一切變化皆号畜
生菩薩等觀人身心中都計合之亦為
三千大千國土國有百億之數如是
不可一計之上有三十三天下至
金剛剎土其中間有大涅槃十八之
難諸天人民所居處各有宮殿及非
人鬼神龍飛鳥走獸下及樹木草茅
其有形之属皆在人身中其數這停
等一物不等者其人便其短物物相

應无差特者其人便聰明有智慧若人盜賊常狼毒獸若墜溝坑樹木所拒地犬所害皆從發外乃有應崩身碎體當責現在之事不可倚著前世宿仇當自内外思惟耗來之生滅自投盲冥地内衆生外衆生内形外形等等无異人人皆如是内起惡意外尋來應内有反臣外臣便反害便人身愚癡之人不能自知坐怨鬼神一自由色入眼之物眼為心候主名百凶快心之歡必有後患一切由之致斯畜生等說寂聲是為菩薩等遊畜生

又告溥首何謂菩薩等遊貪婬也法无貪婬從因緣起緣起致貪貪愛欲欲從想起所想無有想如虛空空无處所因欲致惑賊亂本性立憂患本貪婬如空處不可得隨形如影隨聲如響无實無像獲不可得愚類顛倒思想塵勞法无塵垢空無寂靜欲虛如空無能救盡者至於十方求不可見貪婬无形愚冥所貪貪欲自喪亡失人形懼不安隱在藏匿處與世悼

別長不復會若如走獸常懷畏懼辭如丈夫向敵心懷怖懼走棄捨馳走得无見我也我者亦空奔走疲極亦無追者唐自苦體執勞如斯居家恩愛是亦復空然人慈慕用貪欲故欲為繫閉牢獄之憂欲為猛志存恤群生无著婬泆一切無患中惡之非普得安隱一切皆空而无所有空復遂空未之有也彼無解脫愚癡顛倒反告想聞冥不解法如虛空无存無去來今佛解諸貪欲貪欲無脫結在衆難愛欲志空虛無无實其譏貪婬則未脫欲欲脫欲者不起二念斯皆無本本无有本本自然淨無有沾汙如佛道場平等无想觀婬泆者不離殃疊從如寂者彼慕離欲所想皆空乃離諸想如所發念念無所念僥脫貪婬謂當度欲想无所求不懷本際貪欲无思本淨如斯則不想脫假令度欲則謂為淨貪欲空无計此無二愚冥不解便作二想法無男女平等一體天之為父地之為母天地所生有何異者菩薩等行則无男女之求

如幻如化本末如斯觀男女別者是為離本則失議句發諸想念衆網來然貪欲無起不興想念則无衆網不燒諸結衆網不解解貪婬者假号愛欲無涂著諸名无寻知欲无无得觀真究竟不懷靜修等志内外無假見貪欲者知不得脫貪欲佛法等如泥洹解貪欲險等離吾我知貪欲寂等術澹泊案内觀歷諸欲從耳耳與意通轉相承受勇猛无能當者一切無不降伏有二名入欲為師子王出欲為維摩詰於三界猶出无所不入無所不出是以菩薩等於淨穢耳不受五音為十方天上天下之導造成大導不以勞倦要聞法者當先食十方内外三千大千國土其中人物類數日月雖明由不能照人雖有眼目不能見遠遠之事耳處在閑居之地不觀光目顏色之數而為第一十方上下内外細微之事先來歸耳耳者无所慕樂是号無垢之稱等觀諸法以法為食耳之先聞聞法者為先食也所以菩薩得不飢渴但以无聞為食

普門品經 第十八張 乃字号

無見為漿少語言以為百味平等欲
淨欲如虛空空无塵埃如泥洹而澹
泊於諸見如幻化是為菩薩平等觀
於諸法遊於貪婬

又告溥首何謂菩薩等遊瞋恚也法
无瞋恚因緣溥首恚從對起无對不
起因倚生對無我号我立无量事如
樹木生先從萌類結恨急毒聲自然
空无想無念如閑居樹坐自相措火
然還燒其樹因緣離散各歸本生火
滅不現虛无起身塵聲亦然因欲稱
量二者俱空智者解之不興恚怒緣
從聲起不處内身不從外来不由空
從他緣起因對而立各各分別種種
類數引勝負者菩薩等觀則無瞋
恚如風種過有恨有慢若知方便因
想立緣穢聲如是恚因空生恚還自
燒无有代者而危其身放逸自可
由已惡言生自縱恣不能自禁福盡禍
至如然燈生麻油以盡還燒其炷無
有救者瞋恚如是能分別瞋怒者竟
無形像平等察聲聽瞋怒恨本際等
无本無持分別法界則觀平等意由

普門品經 第十九張 乃字号

四懼攬竟第一瞋怒瞋怒橫有所造
意者空无尋生便滅而無究竟恍惚
之間意不可咨咨之亂德制意无念
則无貪婬貪婬之欲皆從意起無貪
婬者瞋怒何從來意動心起毒龍因
作便致瞋怒口開罪入如江河投海
如捷燒天地無形不盡案内觀歷无
可瞋恚者所以者何十方同共等無
三塗等意者无瞋恚瞋恚者無三毒
无三毒者何緣等有病也其有病者
當毀三界衆生從意生形因瞋怒入
此病不自悔責七十五日七十五夜
日日三自歎責今在現世立形從意
所作犯三界人民及非飛禽走獸射
鴉魚網或籠繫飛鳥傷刺身體或
逝四支至今蹇跬手足不任加痛於
彼而對歡喜愚癡之人不知已還害
己身旬歲之中身被重病如其所害
處所不掖若起瞋恚毒意一作意勇
佛鬱或以刀兵或持弓矢欲相格射
或以鎌斧欲斬人頭首舉意如是斯
為犯三界衆生已若有菩薩摩訶薩
身體病痛小病大病一等无異當知

普門品經 第三張 乃字号

犯三界衆生隨其痛處呼三界衆生
名字深自考責投身散髮墮淚自懺
悔三尊三尊者内有六事名曰六度
無極治内病外有三尊亦有六事名
曰六度无極治外病溥首復問何等
為三尊内六事也答曰内三尊者第
一心尊於内三界安慰衆生開示大
明志令安隱名曰無上正真之信亦
号如来等正覺第二耳尊常居寂靜
之地而无縛飾飛行周旋往返十方
天上天下窈冥之處恚到其中無所
不聞无所不知而无言說澹泊无為
惟往來周旋以情歸心一一告說初
无異言名無垢稱二名普持律三名
廣開度四名大忍辱五名諸佛信六
名如来心七名淨復淨八名不動轉
九名無所不樂十名惟離離大城无
所不容受如是十德之行與如来同
軀第三眼尊常居色欲之地不自貢
高將導一切非飛行十方内外明了
无有見者亦有十德之行一名曰文
殊師利二名無所不入三名淨穢恚
除四名常清淨五名日月精六名開

導一切非七名无能沾汙者八名將
導十方人九名諸漏已盡無有衆穢
十名如來信將護一切是為內三尊
常行大慈大悲憂念生死苦當知三
界中群萌之類而不可毀毀者為毀
三尊已復有三尊常當歸命懺悔
慚愧何謂三尊第一意淨名波旬第
二欲淨名師子王第三色淨名金翅
鳥又問曰如是三尊為應何謂法也
答曰意斷者无瞋怒衆魔皆降伏意
為身神名曰波旬言衆想心隨護
為善者師子王者耳神耳不受衆塵
埃於三界獨忍一切諸想不與校會
故名曰師子王晉言一切无畏常為
十方為導當作佛者為作座席而不
患厭金翅鳥者眼神也眼入衆色色
則斷飛行十方莫能知者降伏諸魔
踐踏衆龍神欲反興瞋怒意金翅
鳥在海上影現水中諸龍恐怖不敢
出外波旬興龍欲有所受眼陰以斷
金翅鳥在上常以百千種色懼如金
光不能等於明月之精明月之精不
能當金翅鳥之毛是使金翅鳥於三

界獨尊雄其有為導當作佛者我皆
當在上以身金毛照之使令身皆黃
金色一切相見之莫不歡喜佛言是
三尊六人者是內事六度無極是以
菩薩行六度不壞色无常視痛痒思
想生死痛痒思想生死識者則无六
度無極若菩薩摩訶薩身軀不安隱
者當知與內六度无極違錯不順其
教當思上頭所語淨自觀形勿以自
可用剛強之性自言無罪若不謙謙
至心懺悔者煞身不久此事非良醫
所能治也溥首復問佛言何謂外三
尊六事也答曰第一佛尊第二法尊
第三比丘僧尊是復有三尊何等為
三第一淨尊第二色尊第三欲尊溥
首復問曰此三尊皆何應也佛言捨
欲布施身得其福是為施度无極二
曰捨色持戒身得清淨是為戒度無
極三曰捨諸塵勞行大忍辱而離衆
想得清淨慧是為忍度无極四曰知
比丘僧清淨捨諸因起滅因緣之事
而建精進得至道場住清淨地是為
進度无極五曰知法清淨捨諸邪念

者想之緣而定一心身得安隱知去
來今是為禪度無極六曰知佛清淨
悉捨諸著適无所住深入要法空无
想念泥洹之事一切本無是為智度
无極佛言是為外六度无極也如是
內外法十二事解者便為開十二門
雖解由不制因對起想遊於恣意不
能忍辱放心口意瞋恚惡言便為十
二因緣隨俗三流不離五趣菩薩大
士等於內外亦無所識一切無身如
水月形平等察覺无瞋怒音恨本際
等無本无際分別法界則觀平等是
菩薩等遊曠恚為意法也
又告溥首何謂菩薩等遊愚癡也愚
從无起察癡无有設無所有愚癡本
無永无狂寔人無弊願无身如空為
虛澹泊想尋求空方面造愚立虛為
實而起忿恨愚癡所行求名達字行
清白名忻忻難獲諸法无明因想為
塵想為身慙虛无形辭如丈夫欲度
虚空亦無羽翅行不合道不入於空
憶劫不得也能會不能知空本末愚
癡亦如是本際无思議蔽冥不生塵

普門品經 第三張 乃字

无所志而成滿如住於虛空不知方面處亦無具足人无能出度者如百千億劫娑習樂闇蔽者彼亦無厭足常飢无飽滿如童子者好色如吹胞滿中氣短解脫口中無所有罪福如空胞求勝真高亦然卑下清淨亦然習於愚者求不可得空來空去懷抱罪欲喜亦行惡亦不捨見善不習專入倒見如是行者謂愚无底也斷根無根形无根無住故不可盡設愚不可盡癡亦不可得猶如衆生如幻如化斯不可賜設有造喻三界衆生類曰度一切令得泥洹佛壽住世億劫難計濟脫梨庭人不可盡因遇立種人界无想癡冥如幻是不可得佛淨與愚癡等觀斯無二設能等觀則能念道癡慧一等无諸蔽身衆生群萌等无思議癡不可計思念意迹其心无念无有邊際愚冥无限由不可得空著无名因倚有形無有見者水不可持志性無明了无所有何從致起而有瞋恚也計無吾我癡已不起闇冥何類如癡无處佛道亦亦了无崖底

普門品經 第三張 乃字

諸法無二別聲平等察癡響了雲一等愚冥如雲分別平等則曉定意是為菩薩等遊愚癡
又告溥首何謂菩薩等遊不善欲行无形瞋行無處不行癡行知衆平等諸塵亦等諸生滅恙等等解虛无空無所有了淨如是是菩薩等遊不善也
又告溥首何謂菩薩等遊諸善德本衆生修善心行若干諸行一等无不等行一行而行無導現行了行無二則能平等以知平等衆行如幻色聲一等則了語音語音无二由如影響往來周旋亦無處所德本亦然如幻化是為菩薩等遊衆善德本
又告溥首何謂菩薩等遊有為也所有无有一切從念念者空念計不可量無量難計无邊無際所起為想想從念緣是之數亦不可盡曉平等者了无央數無行无像解說等寂觀切安已安已榮不計無常是等菩薩等遊有為
又告溥首何謂菩薩等遊无為本淨法寂亦無合會无明之形假聲等察

普門品經 第三張 乃字

音聲无言無教皆了無為衆著言聲等觀如是是為菩薩等遊无為
又告溥首何謂菩薩等遊平等處有為中不住有為諸行平等如空無身不住三界三界本無何求泥洹泥洹寂靜不出不入無言无說乃至大度脫衆生解无若干法身如空不合不散亦無往來亦无還返如空寂寞是為菩薩等遊於平等於是世尊說斯章句至未曾有願如應行不可思議世之希有時有万二千菩薩皆得不起法忍七十二億百千人皆發無上正真道意二百六十万比丘漏盡意解有六千比丘尼皆發无上正真道意有二千二百清信士千八百清信女亦皆發無上正真道意
尔時溥首僮真復白世尊曰唯願大聖演是三昧号菩薩由斯而致至德諸根明了聞三昧所因名号則當獲得一切法明靡不通達而悉降伏一切迷惑邪見之衆樂一文字分別曉了一切諸文以一切文而了一文辯才之慧不可限量為諸群生講說經法

分別曉了緣應法忍以一切行入于一相運得无量無限之議曉了識議四分別辯於是世尊告溥首僅真諦聽善思念之今當為仁分別本末溥首答曰甚善願樂欲聞佛言有三昧名離无量垢假使菩薩運得斯定普見一切諸色清淨佛告溥首有三昧名壞若干假使菩薩運得斯定智慧光明覆蔽一切日月之明有三昧名成具光明假使菩薩運得斯定威曜覆蔽帝釋梵王三界之冥悉蒙安隱諸天光曜忽不復現有三昧名捨界假使菩薩運得斯定處於眾會蠲除一切姪怒癡病有三昧名莫能當假使菩薩運得斯定照明一切八方上下諸佛國土有三昧名諸法無所生假使菩薩運得斯定惣攬諸佛經典訓誨一切為眾會分別要義敷演微妙无著之業有三昧名念雷音假使菩薩運得斯定言語音聲暢于梵天十方所演无能過者窈冥蔽導無不聞者有三昧名曉了一切應心所樂假使菩薩運得斯定悅可眾生隨

其所樂而令解脫拘身之緣一切眾會普得安隱有三昧名无會現悅精進假使菩薩運得斯定觀見無為无有限數終始之感所聞所見莫不通達一切所入莫能過也有三昧名無念實德樂於世界假使運得斯定者放諸神足施化眾生有三昧名諸音緣會假使菩薩運得斯定者覺諸言音以无數字了一文字以一文字說無數字以了内字外字悲了於内不達外亦不了内外相應无有異文有三昧名積眾善德假使菩薩運得斯定者分別罪福興顯平等多所悅可一切眾生使聞佛音法音眾聲聞音緣覺音菩薩音度无極音一切智音彼有所說亦無音聲一切了知深要之業有三昧名起諸捨持為一切王假使菩薩運得斯定者分別一切无量捨持眾慧之要無導之法悉令明了有三昧名淨諸辯才无為之行假使菩薩運得斯定者寂除一切音聲言說皆无言教亦無響應无言無教亦无所有

於是溥首白世尊唯然大聖鄙身寧應講斯典訓之功德乎告曰宜講溥首白佛假使菩薩聞斯經典而不狐疑發心受持而諷誦講讀其人現在得妙辯才聰明辯欣豫辯深妙辯無合會辯常行慈心加諸眾生无毀傷意所以者何設使憂念所作趣奉行其行知諦隨身未曾捨離
尔時世尊讚溥首曰善哉善哉快說此言誠如之意譬如布施獲致大富而不虛假持戒生天亦不虛假今斯經典亦復如茲學致辯才亦不虛假悉得本志猶如日光出照天下眾冥悉除斯經如是諷誦學者懷來辯才靡不通達喻如菩薩坐于道場於佛樹下逮得上真正之道成寂正覺菩薩如是學誦斯經必得辯才除諸狐疑是故溥首假使菩薩現欲興辯曉練諸法聞斯經典心不猶豫即當受持講說諷誦為諸眾會廣演其義
尔時是離垢蔽菩薩前白佛言滅度後其有受持諷誦講說斯經法者為眾會敷演其義鄙親當為宣解所歸

普門品經 第三卷 乃字號

使不狐疑疾得辯才於時弊魔愁毒
 垂淚來詣佛所白世尊曰唯无建立
 於斯經如來至真等正覺常懷大哀
 其有苦患施以大安奉我大聖願除
 五惑如昔世尊初坐樹下處于道場
 演此典法今復重加說斯經典我今
 憂鬱心懷懊惱甚於如來始得佛道
 所救濟時我之反側不能自勝一切
 皆當得不退轉逮无上正真之道成
 取正覺其有黎庶因聞斯經聽音服
 名悉當得道至于滅度空我境界虛
 魔宮殿大聖撫育興建大悲唯見矜
 濟佛告魔曰波旬莫恐勿怖勿懷一
 切衆生不悉滅度如來亦不建立斯
 經魔聞佛教踊躍歡喜善心生矣忽
 然不現溥首白佛何故為魔而說斯
 教佛告溥首斯經典者住无所住是
 故為魔而說斯言吾不建立斯經典
 也至誠不虛一切諸法住无所住不可
 逮得无有言教離於二事本際平等
 審諦無本法界如稱平若虚空无適
 无莫真正無異今經流布斯閻浮提
 於天下當有瑞應世尊適建諦之教

普門品經 第三卷 乃字號

自然空中音普廣聞誠如佛言至誠
 不虛佛告阿難受斯普門品經之要
 持誦誦讀宜示同學又言阿難是經
 八万四千法品之藏計比斯典等无
 差特所以者何此經一句普入無量
 之慧門法界諸要唯如來分別曉了
 衆生解斯經典而成佛道然後講說
 八万四千諸經品藏是故阿難當受
 斯經消息將慎諦持誦誦為衆人說
 此已離垢蔽菩薩溥首僅真賢者阿
 難諸天世人捷沓和阿須倫聞經歡
 喜稽首作礼而退

佛說普門品經

佛說普門品經

校勘記

- 一 底本，金藏廣勝寺本。
- 一 此經內容與[寶]、[碩]、[普]、[南]、[徑]、[清]大異，故僅以[麗]校，並附別本即清藏本於後。
- 一 六五四頁中一〇行第三字「這」，[麗]作「送」。
- 一 六五四頁下一行末字「出」，[麗]作「步」，下同。
- 一 六五四頁下六行首字「感」，[麗]作「咸」。
- 一 六五四頁下八行第五字「這」，[麗]作「適」。
- 一 六五四頁下一八行第二字「垢」，[麗]作「啓」。
- 一 六五五頁上四行「文逮」，[麗]作「又還」。
- 一 六五五頁中三行第七字「所」，[麗]作「何」。第一三字「入」，[麗]無。
- 一 六五五頁中一八行第一〇字「誠」，

一 麗作「試」。
 一 六五七頁上一六行第三字「數」，麗作「數苦」。
 一 六五七頁中一七行第四字「五」，麗作「立」。
 一 六五八頁中六行首字「正」，麗作「止」。
 一 六五八頁下一四行末字「軟」，麗作「矯」。
 一 六五九頁下八行第五字「險」，麗作「除」。
 一 六六〇頁上一〇行第八字「離」，麗作「雖」。
 一 六六〇頁中九行第九字「瞋」，麗作「無瞋」。
 一 六六一頁下一六行第五字「寘」，麗作「寔」。
 一 六六二頁上六行第一〇字「下」，麗作「作」。
 一 六六二頁上一四行第六字「庶」，麗作「度」。
 一 六六二頁上一九行第二字「念」，

一 麗無。
 一 六六三頁上一一行第一〇字「冥」，麗作「寶」。
 一 六六三頁上一九行第一〇字「念」，麗作「無念」。
 一 六六三頁中六行第九字「使」，麗作「使菩薩」。
 一 六六三頁下六行第三字「辯」，麗無。
 一 六六三頁下六行第一四字「傷」，麗作「復」。
 一 六六三頁下一一行第一三字「令」，麗作「令」。
 一 六六三頁下六行「逮得上」，麗作「還得無上」。
 一 六六四頁上五行首字「五」，麗作「吾」。
 一 六六四頁上七行第七字「甚」，麗作「其」。
 一 六六四頁上一〇行第八字「因」，麗作「耳」。
 一 六六四頁上一九行第一一字「所」，

一 麗作「無所」。
 一 六六四頁上二一行首字「審」，麗作「當」。
 一 六六四頁上末行第一二字「諦」，麗作「誠諦」。
 一 六六四頁中末行末字「經」，麗無。